

Universitätsbibliothek Paderborn

Cibus Electvs Sive Instrvctiones Sanctae De vita sanctè traducenda& inter pios sanctósque affectus concludenda

Elffen, Nicolas

Coloniae, 1667

Instructio I. De examine particulari.

[urn:nbn:de:hbz:466:1-55232](https://nbn-resolving.de/urn:nbn:de:hbz:466:1-55232)



66 (91)

PARS PRIMA.

De examine particulari & meditatione quæ sunt bina media efficacissima ad perfectiōnem assequendam.

INSTRUCTIO PRIMA.

De examine particulari.

§. I. Quinque documenta de nomine & affectione hujus examinis.

I. Duplex est examen, alterum generale sic dictum, quod in eo generatim omnia totius diei acta expendantur; particula-re alterum, quod ad extirpationem certi & particularis alicujus vitij aut consecratio-nei certæ virtutis dirigatur. & instituitur modo, quo sequitur.

II. Manè firmum concipiendum est propositum certum istud vitium aut defectum serio per diem emendandi aut virtutem ipsi oppositam exercendi.

III. Sub meridiem ac vesperam dilquirendum est, quoties circa vitium, cui extirpando singulariter studes, lapsus fueris, aut quot virtutis contrariae actiones exerceueris cum dolore de lapsibus, ac emendationis proposito in futurum.

A 3

IV. Pro

IV. Pro quovis die binæ ducendæ sunt li-
neolæ, quarum altera antemeridiano, pome-
ridiano tempori serviet altera, ut sequens
exhibit figura, & pro numero lapsuum vir-
gulæ illis adscribendæ & ad finem linearum
potest signari numerus exercitorum actuum
virtutis oppositæ. Sciendum etiam, quod
primæ dux lineæ sequentis figuræ, serviant
diei dominico, dux sequentes diei lunæ & ita
consequenter, quæ semper fiunt brevio-
res propterea, quod quotidie lapsuum nu-
merum decrescere conveniat.

Dies Dominica

Lunæ	_____
Martis	_____
Mercurii	_____
Jovis	_____
Veneris	_____
Sabbathi	_____

V. Hæ lineæ non in quavis abjecta chartu-
la, sed in libello aliquo pluribus constante
foliolis, qui instar codicis spiritualium rati-
onum, summâ curâ custodiendus est, ut in
eo rationem spiritualis tui profectus diurni.
hebdomadarij, menstrui, annuique perspi-
cere & inter se se conferre possis.

§. II. Odo alia documenta, de modo instituendi
examinis circa vitium aliquod vel
defectum.

I. Nitium faciendum est à vitijs, culpis &
defectibus, & non continuò progredien-
dum

dum ad exercitium præcipuarum virtutum, priusquam vitia & defectus extirpati sunt auctiupressi. Hæc enim causa est, quare nonnulli post multos vitæ spiritualis exactos annos exiguum in via virtutis & perfectionis progressum fecerint, quod nimis ab extirpatione vitiorum non duxerint initium, aut eidem studio non tribuerint sufficiens tempus.

II. In vitijs extirpandis inchoandum est ab ijs, quæ exteriora sunt, & magis incurruunt in aliorum oculos, adeoque in eorum animis generare offenditionem & scandalum possunt aut certè molestiam creare, ut sunt mendacia, impatientia exterior, contentiones, curiositas oculorum, loquacitas, &c. nunquam autem plures simul, sed singulos lensim persequi defectus oportet.

III. Cum itaque pluribus tè istiusmodi vitijs & defectibus obnoxium deprehendis ab eorum impugnatione incipe, quos facilius tè subjugaturum credis, ne mox sub initium à victoriæ difficultate deterritus animum desponeas. Postmodum totus sis in edendo eo vitio quod maxime prædominatur, & radix ac fons est cæterorum, nec ab ejus persecutione desiste, donec ita subegatis, ut jam aut nunquam, aut quam rarißime in illud relabaris.

IV. Utque securius progediaris, consule
Hac super re directorem tuum spiritualem &
con-

conscientiae arbitrum, atque ut hic melius tibi ac certius examinis hujus materiam praescribere possit, necesse est, ut te totum ei sincerè & candidè manifestes, & quænam passiones ac pravi affectus in te dominantur, & ad quæ peccata sis proclivior, aperias.

V. Quotiescunque per diem in praefixum defectum laberis, peccatus percute, & dolorem ac detestationem excita, quod etiam clanculum alijs non observantibus ab industrio fieri potest. Valde quoque expedit, immo meo judicio necessarium est, ut ad quemvis lapsum, oppositæ virtutis actus exerceatur. hoc itaque est novum documentum, & ordine.

VI. Ut cum de vitio aliquo vel defectu particulare examen instituis, semper certos actus interiores virtutis contrarie elicere studeas, sine hac enim cura non satis solidè in vitiorum extirpatione procedes, & postquam deinde alteri edomando vitio intentus fueris, contumeliam in prius illud recides, quia circa interiora non satis provisum est, ex quibus vim omnem in exteriora diminare necesse est. Quocirca, si quando circa oculorum curiositatem superandam occuparis, saepius per diem nunc ad Jesum, nunc ad Mariam suspira: *Modestissime Iesu, proprius mihi gratiam concedo, ut rite oculos custodi: Amansissima mater, ora pro me, ut oculi mei semper ad exemplum tuum bene ordinatae*

na

*nati sint. Subinde protestare: Absit à me
mi Iesu, ut aliquid videam, nisi quod oculis tu-
is placeat, quam penitet me, mi Deus, quod ro-
ties oculis meis majestatem tuam offenderim:
non committam posthac amplius in eternum. &
simili modo in alijs materijs procede: Ita
sequentes aspirationes servire tibi possunt.*

*Contra mendacia. Jesu mi, æterna veritas
custodi à mendacio linguam meam. doleo ex
intimo corde meo, quod unquā te mi Deus
ullo mendacio offenderim: Mi Iesu, malo
millies mori, quàm vel levissimum menda-
cium dicere.*

*Adversus impatientiam. Heu quoties scan-
dalum præbui proximo impatientiâ meâ!
doleo ex toto corde meo. O Iesu quam dul-
ce ac jucundum est amore tuo pati. Patien-
tissime Iesu, mitem me effice & mansuetum
corde. O dolorosissima mater Maria, pati-
entiam mihi impetra in omni adversitate &
cruce.*

*Contra temerarias suspiciones & judicia. Do-
mino suo stat aut cadit, quid tu judicas alie-
num servum? Nelite judicare & non judi-
cabimini. Ego nullius cor penetravi: tu so-
lus es mi Iesu, scrutator cordium & rerum
Deus. ipsi mihi difficultis reddenda est ratio,
quid me aliorum rationibus immisceo? quid
aliena curo?*

*VII. Sunt qui scrupulos seu lapillos se-
cuni portent in saccis suis, & ad quemvis lap-
sum,*

sum aut virtutis actum, lapillum unum de altero in alterum saccum transferant. sunt qui errorum actuūque numerum in rosario designent. Placet industria, siquidem clam alijs & non ad vertentibus fieri possit, juvabit enim non parum ad citius expediendam sub meridiem aut vesperam discussioneim.

VIII. In quavis exomologesi Sacramentali rationem reddere de particulari tuo examine & quomodo per illud vel profeceris, vel in eo defeceris, manifesta, & specialem subinde de negligentia tua pœnitentiam pete. immo ipse de te sub vesperam de commissis defectibus pœnam exigē, & vel pro numero lapsuum terræ oscula fige, vel orationem toties dominicam & salutationem Angelicam recita. idque expansis in modum crucis brachijs, & si in complendo numero actuum virtutis, quem tibi præstaueras, negligentiam admisisti, eam iteratis actibus compensa. De S. Ignatio memoria proditum est, quod sub initium conversionis suæ, cum in temerarij inutil & superfluo risu, cui assueverat edomando desudaret, tot corpori suo ictus flagello sub vesperam inflixerit, quoties se deliquisse deprehenderet.

§. III. Sex documenta de modo instituendi hoc ipsum examen circa virtutes.

I. Postquam in edemandis yitijs satis te profecisse deprehenderis, totum te acquiren-

quirendis & inferendis virtutibus accinge,
sed earum potissimum studio intendas, quae
sunt veluti radices & fundamenta cetera-
rum, quales sunt studium puræ intentionis;
Patientia, humilitas, obedientia, conformi-
tas sive resignatio voluntatis nostræ cum di-
vina, impendium honestum & cura tempo-
ris, amor Iesu & Mariæ, & exercitium actu-
um Heroicorum.

II. Certa præstitue tibi tempora, quibus
virtutum propositarum actus exerceas &
quoties negligenter te fuisse comperies, tot
virgulas consuetis lineis imprime.

III Sub initium denos quotidie actus e-
lice, post aliquantulum temporis duodenos
& ita semper progredere, donec ad continu-
am & perfectam animi tui cum Deo conjunc-
tionem pertingas.

IV. Nec opus est, ut affectus elicias lon-
giuscule, sed sufficit brevissime ac ferventis-
simè illos elicere, juxta sequentes formulæ.

Actus puræ intentionis. O mi amantissime
Deus, Dmns, & Pater meus, omnia mea & sin-
gula verba, opera & cogitata ad tuā majorem
gloriam dirigo. O mi Deus, quicquid ago,
quicquid patior, amore tui solius & agam &
patiar.

Humilitatis. Deus meus & Dominus me-
us, dignus non sum ego qui cælum in-
tuear. O Deus meus, non sum dignus ter-
ram calcare; in qua tot ferventes ac sinceri
servi

servi Dei ambulant me multis partibus meliores: Misericordia mei Deus, propter merita servorum tuorum, inter quos versor, qui longè tibi gratiore sunt quam ego misericordus peccator. Utinam ita parvulum & abjectum præbere me possem, ut omnes super me ambulare, & tanquam lutum platearum conculcare possent. Ego sum qui peccavi, & peccatis meis omne malum totius mundi promerui.

Patientia. Domine, amore tui patior libentissime nullâ etiam datâ culpâ quicquid pati possum. Da Domine, ut non desit hodie, quod amore tui sustineam, amori meo & sensualitati vel maximè repugnans. Benedictæ sint omnes horæ illæ, in quibus molesti aliquid & adversi sustinui. Benedictæ sint omnes creaturæ illæ, quæ mihi patientiæ occasionem unquam præbuerunt.

Obedientia. Paratum cor meum, Deus, patatum cor meum ad omnem voluntatem & nutum tuum per superiores meos mihi insinuatum. Hoc mihi Deus, volo, hoc judico quod superiores mei & volunt & judicant, & judicium meum judicio ipsorum plenè iubijcio. Domine, voluntatem superiorum pro mea reproto, hoc volo, hoc nolo, quod ipsi vel volunt vel nolunt.

Resignationis. Ecce Domine, paratum me, ut humilier, abiijciar, contemnar, & vilipendar, prout est sanctissima voluntas tua. Mi-
sua-

suavissime Deus, tamdiu vivere cupio,
quamdiu tibi placuerit, nec aliter mori desidero,
nisi quando & quomodo tibi visum
fuerit.

Impendii & curæ temporis. Da mi Iesu, ut
nec momentum totius diei sine fructu im-
pendam. O quantum est precium temporis
quod semel perditum, nunquam in æter-
num recuperari potest! Nunquam mi Iesu, à
præscripto mihi ordine diei vel latum ung-
vem discedam.

Amoris erga Iesum. Tuus ego sum, O Ie-
su, tu mens es in æternum, sive morior sive
vivo, tuus sum, mi Iesu. O quam gaudeo,
quam exulto, mi Iesu, quod tu sis, qui es. De-
us cordis mei & pars mea in æternum; De-
us meus & omnia, amo te & amabo semper
ex toto corde meo, super omnia, gratis, in æ-
ternum & ultrà.

Amoris erga Deiparam. Tu mater mea es,
o Maria, ego filius tuus. Tu post Deum &
Iesum tuum mihi dilectissima es, te stringo,
te complector, vita, dulcedo & tota ratio
spei meæ. Utinam omnium animos amoris
tui flammis incendere & inflamare mihi liceat.

Heroica desideria. Malo millies mori, o po-
tentissime Deus, quam vel levissimo unquam
peccato deliberatè te offendere. Mi aman-
tissime Deus, amore tui felicissima omnia
ex animo precor omnibus inimicis meis, et
iam mihi infestissimis & infensissimis, ignos-

co omnibus ex toto corde meo, quicunque
me unquam & quomodocunque offendere-
runt. Semper eligam, mi Deus, quicquid
perfectius est, & tibi magis placitum. Ex
duobus & quae perfectis illud terio & sincerè
opto, quod sensualitati meæ maximè repug-
nat. Oro te, mi Deus, ut amore tui contem-
nar & proijciar ab omnibus, & tanquam
purgamentum hujus mundi fiam, omnium
peripsema. Da Domine, ut prosperentur o-
mnes inimici mei, & ego subesse illis & ser-
vire compellar. Hanc m̄hi grātiām conce-
de, mi amantissime Deus, ut per abjectio-
nem & exinanitionem meam magis magis-
que amplificetur & dilatetur gloria tua, &
ego in conspectu hominum, instar faculæ vel
thuris, quæ lucem alijs aut suavem odorem
impertiunt, dispeream & evanescam.

V. Non est necesse omnes semper præ-
missarum virtutum actus exercere, sed ex
omnibus eos tibi elige, in quibus majorem
consolationem aut spiritualem gustum per-
fentiscis, & eosdem s̄epius itera.

VI. Cujusvis virtutis exercitiq; mensem
unum potes impendere, & post eum transi-
re ad studium alterius, quanquam me aucto-
re conducibilius faceres, si postquam extir-
pidis & edomandis pravis affectibus suffi-
cientem operam impendisti, totum te ad
coequendam humilitatem conferas, & in
eius unius studio totam reliquam vitam
con-

consumas, ita tamen, ut breve aliquod aliarum virtutum exercitium liceat interpone-re, de quo particulare examen instituatur, ut de servando ordine diei, &c. sed mox ad idem studium redeatur, illudque continua-tur modo, quo sequitur.

§. IV. Declaratur modus instituendi examinis particularis de Humilitate.

I. **C**UM nemo verè humilis corde esse pos-sit, sine speciali Dei gratia & auxilio, ante omnia oportet te exerceas in excitando frequenti & ferventi ejus virtutis desiderio & crebro eandem à Deo postules. v. g. Hu-millime Jesu, verè humilem me effice amo-re tui & ad exemplum tuum. O amantissima mater mea Maria quando humiliis ero ad exemplum tuum in verbis, actionibus & cogitationibus meis ! O bone Je-su, custodi linguam meam, ne unquam in propriam laudem jactabunda prorumpat, &c. Hi, vel alij similes primi erunt affectus tui in hac materia humilitatis, & tunc simul invigila, ne unquam nec incidenter quidem aut indirecte quicquam loquaris, quod in propriā laudem & commendationem cedat.

II. Exerce te strenue in profundissima cognitione tui ipsius, & ut te reputare possis pro abjectissimo & vilissimo mortalium omnium, & peccatorum maximo, minimo justorum, serio perpende causas vilitatis infra explicandas Parte 3. instruct. I. §. I. & sa-

pcnus

penumerovēsa brevem aliquam aspiratiunculam in hunc v.g. modum: Quid ô Domine Deus meus, aut sum aut possum ex me ipso, nisi purum putum nihil? & quomodo alijs vanè ac stultè præferre me audebo? totus mi Deus confundor & erubesco, quando in memoriam revoco tot iniquitates & peccata mea, de quibus irrefragabile pertulit testimonium contra me conscientia mea, & qualia de nullo alio certò mihi constant? Obstupesco mi Deus, quomodo adhuc telius me sustineat tam grave & inutile pondus. Dignus sum. Domine & mīllies, quem proijcias à facie tua, & omnibus auxilijs gratiæ destituas, ut qui toties ea mihi tam liberaliter & paternè præstata, tam impiè & malitiosè repudiavi & aspernatus sum. O quoties meritus sum, ut ad inferos de truderer æternum cruciandus! Dignus sum omnium pedibus proteri & conculcari. Exhorresco Domine, à iudicijs tuis, fortè deletus sum de libro vitæ, & expunctus ex electorum tuorum albo, in quem tamen multi alij, qui nunc gravissimis degunt obnoxij sceleribus, misericordissimè relati sunt. Præcipis Domine, ut omnium vilissimum ac mininimum me reputem: Ego sum Domine, ego sum dignissimus, qui infra omnium plantas protendus abiiciar. Durante hoc exercitio de certandum tibi est contra tentationes vanæ gloriæ & temeraria omnia iudicia, & si quæ fortè

forte se ingerant, cognitione nihil tui repelle & propulsa, nec enim par est, ut in corde humili & submisso locum inveniant ejusmodi judicia & vanitates.

III. Non sufficit generalis illa tui ipsius notitia, sed ad particularem magis descendendum est, & ad omnes totius dei actiones extendenda. Ita dum surgis, dic : Domine Deus meus, en iterum mihi diem concedis, quâ salutem meam operer, quain toties insipiens perdidisti. Dum orationi te accingis: adhuc te, mi Deus, cum angelis tuis laudem & deprecacionem, qui toties merui inter Cacodæmones residere & aeternum te blasphemare? Dura prandes aut cenas: O Deus, toties semperiternam famem & sitiua promeritus sum, & adhuc cum filiis Dei pascor, & reficior? Cum laboras: Domine, hoc labore promereri & amplificare possum gratiam tuam in me, quâ omni ex parte sum indignissimus. Cum alijs loqueris: O mi Deus, si homini huic perspectus essem, calce me à se repellere & meritò. Cum peccata tua apud Sacerdotem deponis: O quoties per hoc sacramentum ablutus & mundatus sum, & mox fædus me contaminavi. Cum sacram Synaxis accedis: Qui fit mi Jesu, quod toties margaritas tuas proicias ante porcos? Cum transis plateas, mirare, quod adhuc terra te sustineat, tam inutile & abominabile pondus, iæpe fæpius animo repece: Ego peccatorum

torum maximus: ego justorum minimus:
ego purum putum nihil, & si quid nihilo
vilius: Indignus, quem terra ferat: hoc u-
nicum à te supplex rogo, mi Deus, ne proij-
cias me à facie tua in aeternum: Hac itaque
ratione collabora, ut in omnibus & ex om-
nibus actionibus tuis occasio[n]em humiliani-
di tui captes, & simul etiam invigila, ne in-
terea qui[us]quam in compositione corporis
& moribus ac gentibus exterioribus appare-
at, quod cognitio[n]i tui ipsius adversetur.
Propter ea non jactabis hue & illuc brachia:
nec incedendo reciprocabis corpus: nec in
egressu ingressu[re] impetuose claudes janu-
as: nec oculis liberè circum vagaberis: nec
altius quam par est, aut risum aut vocem ex-
tolles: nec inter sedendum aut commodita-
tis, aut gravitatis causa alicubi te acclinabis,
&c. ut verbo absolvam, quicquid vel speci-
em habet, aut libertatis aut impudentiae aut
dissolutionis, aut proprij cerebri, aut alteri-
us cuiusvis affectionis minus modestæ, &
quicquid demum aut affectatum, aut Thra-
sonicum est, id omne tanquam minus con-
veniens interiori illi animi demissioni, de
qua agimus, fugiendum & rescindendum est.
etenim qui vere humiles sunt & ejus, quam
Christus verbo & exemplo docuit, humili-
tatis imitatores in exterioribus actionibus &
moribus suis inmodestiam, compositionem
verecundiam & pudorem præse ferunt, &
verbo

verbo ut dicam, irreprehensibles sunt. Vicissim cavent, ne in rebus & operationibus suis sint sordidi, nec abjecti & pusilli animi: nec etiam in oculis aut vultu aut universo agendi modo ulla se prodat vanitatis, duplicitas, fraudulentia: simplicitas, & sinceritas foror est humilitatis, quae in Christi cum quibuscumque conversatione manifeste semper emicuit.

IV. Excita ferventia desideria, quibus serio exceptes ab alijs etiam contemni, vilipendi, irrideri, ludibrio haberi, falsò deferri, deponi, suppressi, & alijs quibuscumque modis, quantumvis injustis & indignis vexari & versari, & cum humiliacionis occasio oblata fuerit, etiam atque etiam vide, ut eam non tantum sine omni vel minimæ sive exterioris sive interioris impatientiae signo, sed grato potius, tranquillo latoque animo amplexeris & stringas. Adhac in exterioribus quoque humilitatis operibus te gnaviter exerce elige semper postremum potius, & deteriorem, quam primum & honoratiorem locum; simplici & modesto utere habitu: libenter conversare cum patiperibus simplicibus & idiotis: servilibus libenter obsequijs operari tuam inpende: invise debiles & infirmos, & ijs, quantumvis abominabili infectis malo, promptè defervi, &c.

V. Serio & ex animo habe Deo gratias pro omni humiliatione tua, quam aut passus

sus es hactenus, aut patienda restat impostrum. Candidum in animo tuo accende amorem erga inimicos & persecutores tuos: ex corde voce & opta, ut nec post mortem tuam in aliorum mentibus oblitteretur sinistra, quam de te conceperunt, existimatio, modo ne Deus offendatur. Atque ut hi affectus tui plus meriti habeant, diversarum aliarum virtutum motivis consperge, praesertim puri amoris Dei. Jam vero quisquis ad hunc tam sublimem humilitatis gradum pertigerit, nunquam ille nec fidelissimis et jam amicis suis, quas occulte patitur adversitates & molestias, injurias & calumnias solatij captandi causa revelabit, quin potius omnibus viribus collaborabit, ut ea omnia & totum interiorem animi sui statum occultum & secretum custodiat, imò etiam ea nonnunquam sancta quadam simulatione operabitur (quantum tamen status ejus & conditio patitur, & citra Dei offensam fieri potest) quæ in sinistram & deteriorem accipi partem possent, & maiorem contemptum atque despectum causare. Hæ sunt industria & strategemata eorum, qui in vita spirituali longius proiecti sunt: hæc est sapientia, ut loquitur Apostolus, inter perfectos, & quam te melius, quam ego, Magister tuus Christus edocebit, si modò ejus te disciplinx tanquam docilem, & fidelem discipulum promptè liberaliterque commiseris.

INSTRU: